

ԶՈՐՐՈՐԴ ԴԱՐԻ ՀԱՅ ԻՐԱԿԱՆՈՒԹՅՈՒՆԸ ԵՎ ՍՏ. ԶՈՐՅԱՆԻ ՊԱՏՄԱՎԵՊԵՐԸ

Վ. Ս. ՆԱԼԲԱՆԴՅԱՆ

Զորյան պատմավիպասանի առջև կանգնած դժվար խնդիրներից է եղել IV դարում Արշակունյան Հայաստանում կենտրոնացած հզոր պետականության համար ծավալված պայքարի ճշմարտացի արտացոլումը: Անհրաժեշտ էր փաստերի քննական վերագնահատություն, ենթադրվում էր հիմնավոր ստեղծագործական բանավեճ հնօրյա պատմագրության դրույթների հետ: Հասարակական այդ մեծ ու բարդ հարցի հետ կապված իրադրությունների արտացոլումը վիպասանը դարձրել է «Հայոց բերդի» կենտրոնը:

«Հայոց բերդի»՝ «սեփական բերդը» կառուցելու կենտրոնական գաղափարի ուրվագիծը նշմարվում է դեռևս Զորյանի անդրանիկ պատմավեպի գլխավոր հերոս Պապ թագավորի՝ Մուշեղ սպարապետին ուղղած հետևյալ խոսքերում. «Ես թշնամություն չեմ քարոզում, սպարապետ. ես կամենում եմ՝ զորացնենք մեր բազուկը, որպեսզի մեր հարևանները հարգեն մեզ... Ես ուզում եմ, որ միշտ օգնություն ակնկալող չլինենք և ընդօրինակող ստրուկ... Այլապես ի՞նչ ենք մենք. նախարարների մի մասի աչքը պարսիկ կողմն է, մյուս աչքը՝ Բյուզանդիայի, և մի բան պատահելիս վաղում-ապավինում են սորան կամ նորան և ամրացնում նոցա պարիսպը: Այժմ էլ, շատերը մեր տունը թողած, կամենում են շինել հռոմեաների տունը, ամրացնել նոցա պարիսպները: Ոչ, սպարապետ, սե՛նք պետք է շինենք մեր բերդը. պետք է ամրացնենք մեր պարիսպները և ապավինենք ինքներս մեզ... Այդ չեն գիտակցում մեռ հոգևոր հայրերը... Բայց դու, որ ղենքը ձեռքիդ միացնում ես մեր երկրի անջատված մասերը՝ պատժելով հայրենադավ իշխաններին, օգնի՛ր սե՛ր սեփական բերդը շինելու, որ սե՛նք լինենք մեր նեցուկը... (192):

Երկրի անկախության գլխավոր հենարանը խորհրդանշող «սեփական բերդ», «սեփական նեցուկ» ստեղծելու այս գաղափարն է, ահա, որ Զորյանը դրել է «Հայոց բերդ» պատմավեպի հիմքում, դրա շուրջը և դառնում են վիպական բոլոր բախումները իրենց բարդ, դրամատիկական հանգուցալուծումներով:

Ուշագրավ է հենց վեպի մուտքը, որով ընթերցողը միանգամից ընկնում է դարաշրջանի ճակատադրական անցուդարձերի մթնոլորտը:

Կամսարականի ամրոցն են հավաքվել երկրի մի խումբ նախարարներ՝ Վահե Վահեունին, Վարձա Ասպհունին, Բասենի իշխան Մանեճը, Համունի եղբայրները, Պապակ Պալունին և ուրիշներ: Հուզված ու զայրացած են նրանք Արշակ թագավորի վերջին հրովարտակի առիթով. նախարարների վեճերից պարզվում է բուն իրողությունը — թագավորը մտադիր է շուտափույթ ավարտել նոր բերդաքաղաքի շինությունը և ահա այդ նպատակով, զանազան արտոնություններ խոստանալով, Արշակավան է հրավիրում նախարարական կալվածքների շինականներին. այնքան զայթակղիչ են Արշակի խոստումները, որ շնայած նա-

խարարների հարուցած արգելքներին, այլևս անհնարին է կասեցնել մարդկանց մասսայական հոսքը դեպի Արշակաւան:

Մեծ վարպետութեամբ կերտւած նախարարական գաղտնաժողովի այդ պատկերում լավագույնս նախապատրաստւում է վիպական հետագա դեպքերի զարգացումը, նախանշւում դրամատիկ հանգամանքների ծավալման ընթացքը: Ըստ էութեան, հենց այստեղ, վեպի առաջին էջերում հեղինակն սկսում է իր ստեղծագործական բանավեճը մեր հին պատմիչների կողմնակալ դիրքորոշումների հետ և փաստորեն պարզում է իր ընդհանուր հայեցակետը թագավորի ու նախարարների յուրօրինակ փոխհարաբերութիւնների բուն պատճառների մասին:

Նախարարների բորբոքւած վեճերից պարզ են դառնում տարիների ընթացքում կուտակւած դժգոհութեան իրական պատճառները, առաջին հերթին այն պարագան, որ թագավորն իր ընթացքով առ ոչինչ է համարում նրանց ավանդական իրավունքները. շոշափում նախարարական ինքնագլխութեան հիմքը կազմող արտոնութիւնները: Դժգոհ իշխանները միաբերան հաստատում են, որ «թագավորն անտեսում է» իրենց և «խախտում ավանդական օրենքները սուրբ» (26)¹: Ներսէս Կամսարականը զայրացած է այն պատճառով, որ «Արշակ թագավորը պահանջել է իրեն հանձնել Արտաղերս ու Կապույտ բերդերը, բայց ինքը չի կատարել արքայի հրամանը. «Հհանձնեցի,— ասում է նա,— վասնզի չէի Լարող մերկանալ իմ զենքերից... Չէի կարող զրկել ինձ ինքզինքս պաշտստանելու միջոցներից» (23):

Հայոց իշխանների մեջ ամենուրեք խոսում է նախարարական վիրավորւած ինքնասիրութիւնը և ինքնագլխութիւնից զրկւելու վտանգը:

Իրավիճակն ավելի ընդգծւած ներկայացնելու նպատակով հեղինակը ցույց է տւել նաև հակառակ միտումի առկայութիւնը. նա իշխանաժողովի մասնակիցների թվում հանդես է բերել Անդեղյա տան երիտասարդ իշխանին, որն իր անսքող ու անմիջական դատողութիւններով հակառակ կարծիք է արտահայտում իրերի դրութեան մասին:

«Ես, տեր Կամսարական, իշխանաց ժողովում լինում եմ առաջին անգամ,— ասում է նա,— սակայն թե՛ այստեղ, թե՛ դուրսը, լսելով արքայի մտադրութեանց մասին, խորհում եմ, թե առավել բարւոք չէ՞ր լինի թագավորի դեմ միաբանելու փոխարեն միաբանենք թագավորի հետ, և այդպես կլինենք առավել ապահով, քանզի միաբանելով նորան՝ հնար կտանք արքային մեծ բանակ պահելու և թշնամիներին դիմադրաւելու...» (31): Բանավիճելով Անդեղյա իշխանիկի հետ, Ներսէս Կամսարականը աշխատում է նրան համոզել, որ «թագավորը կամենում է սեփականել միայն մեր հողերը, մեր բերդերը, մեր մարգերը, իսկ մեր կարիքը նա չի զգում: Նա խորհում է, իշխանիկ, թե որքան քիչ նախարար՝ այնքան լավ. բյուրապատիկ լավ, վասնզի այդպիսով դյուրին կլինի իշխել և հրամայել...» (31—32):

Իշխանաժողովի մասնակիցները հավատացնում են միմյանց, թե «Արշակը ոչ միայն ջանում է տկարացնել» իրենց, «այլև՝ կործանել իսպառ», ուստի և որոշում են «զինու դորութեամբ» պաշտպանել իրենց ավատական իրավունքները:

¹ Քաղվածքները բերում ենք Ստ. Զորյանի երկերի ժողովածուի տասնատորյակի VI հատորից, Երևան, 1962:

Հեղինակը համոզիչ պատկերներով կարողացել է բացահայտել պատմական այն ճշմարտությունը, որ Արշակունի թագավորից դժգոհ նախարարությունների այս ընթացքը ամենևին էլ չի բխում նրանց «տիրադավ» բնավորությունից, այլ պայմանավորված է նախարարների առկա իրավիճակով: Պատմական փաստերը հաստատում են, որ իրենց ներքին կառուցվածքով ու իրավաբաղադրական վիճակով ինքնուրույն հայ ֆեոդալական իշխանությունները, ղեկավարվելով իրենց ժառանգական արտոնություններն ու ինքնիշխան դիրքը սպառնալու ձգտումով, այդ պատմաշրջանում ոչ միայն շահագրգռված չեն եղել թագավորական կենտրոնացած իշխանության հզորացումով, այլև շատ հաճախ նույնիսկ օտարի գերիշխանությունը, իրենցից հեռու նստած այլազգի թագավորից վասալական կախումը գերադասել են Արշակունիների գահին ենթարկվելուց: Սկզբնաղբյուրների վկայությամբ, Արշակի գահակալության շրջանը շատ հարուստ էր դրամատիկական անցքերով՝ ինչպես հասարակական-քաղաքական կյանքի, այնպես էլ պատմական հերոսների անձնական կյանքի առումով: Վիպասանն ընտրել է պատմականորեն տիպական մի այնպիսի եղելություն, որի մեջ առավել որոշակիությամբ են արտահայտվել դարաշրջանի էական առանձնահատկությունները, նա կանգ է առել Արշակավանի կառուցման ու կործանման պատմության և Արշակի կյանքի մի քանի փաստերի վրա:

Զորյանը Արշակավանի պատմությունը չի դիտել իբրև զուտ պատմական փաստ, այլ իբրև ընդհանրացման կոնկրետ մի պատկեր, որի մեջ լավագույնս արտացոլվել են դարի ոգու բնորոշ գծերը, խաչավորվել ժամանակի տիպական հակասությունները, դրսևորվել պատմական զարգացման միտումները:

Պատմավիպասանի կարևոր նվաճումը պետք է համարել այն, որ նոր հայեցակետով մոտենալով հայտնի փաստերի գնահատությանը, նա կարողացել է ցույց տալ, որ այդտեղ իրականում բախվել են ոչ թե ներհակ կողմերի մանր կրքերն ու «անձնական ճղճիմ բաղձանքները», այլ դարաշրջանի հասարակական կյանքի իրարամերժ միտումները. մի կողմում ինքնիշխան նախարարներն իրենց կենտրոնախույս ձգտումներով, իսկ մյուսում՝ Արշակն իր որդեգրած ազգային կողմնորոշումով, կենտրոնացած պետականության հզորացման, երկրի քաղաքական անկախության ապահովման սևեռուն գաղափարներով: Պատմական անձնավորությունների որոշակի ընթացքի պատճառաբանության մեջ վիպասանն, իհարկե, պատշաճ տեղ է հատկացրել նաև անձնական-հոգեբանական հանգամանքներին, միաժամանակ ցույց տալով, որ դրանք չեն որոշում պատմական խոշոր դեպքերի ընթացքը, որ վճռական դերը պատկանում է կյանքի առարկայական պայմաններին, ավատական հասարակության յուրահատկություններին:

Ըստ հեղինակի մեկնաբանության, միանգամայն պարզ է ու որոշակի Արշակի նպատակը՝ պարսկա-բյուզանդական սրված փոխհարաբերությունների նարտաքին մշտական հարձակումների վտանգի բարդ պայմաններում միավորել երկրի ցաք ու ցրիվ իշխանական ուժերը, նրանց ենթարկել գահի միահեծանությանը, որով հնարավոր կլինի իրական երաշխիքներ ստեղծել ոչ միայն Արշակունյաց երերվող գահը պահպանելու, այլև երկրի քաղաքական անկախությունն ապահովելու համար: Զորյանը գեղարվեստորեն համոզում է, որ այստեղ թագավորական իշխանության շահերը յուրօրինակ կերպով համընկնում էին Հայոց աշխարհի քաղաքական ճակատագրի կենսական խնդիրներին:

Արշակը քաջ գիտակցում է իր հետապնդած նպատակը զլուխ բերելու ողջ դժվարությունները: Եվ ահա հեռատես թագավորը հղանում է ամուր ու հուսատու սեփական հենարան ստեղծելու միտքը: Այդ նպատակով նա Կողովիտ գավառում, պարսից սահմանի մոտ, մեծ ճանապարհների հատման կետում ըսկըսում է ամուր բերդաքաղաքի (կամ, ինչպես թագավորն է անվանում՝ Ավանի) կառուցումը, որը Արշակի նպատակադրումով «պիտի դառնա մի ամրակուռ բերդ ոչ միայն օտար թշնամյաց դեմ, այլև մեր շարամիտ նախարարաց, որ ցայց ու ցերեկ խորհում են միայն իրենց որկորի մասին և չեն կամենում ղորավիզ լինել երկրին հայրենի» (220): Թեև երկրի շատ վայրերից, «հատկապես արքունի շենքերից» բավական թվով գործավորներ են հավաքվել շինարարության վրա, բայց այն «կատարվում է դանդաղ, քանզի սակավ էին մարդիկ քաղաքի բաղմատեսակ աշխատանքները զլուխ բերելու համար»: Եվ ահա թագավորը մրսածում է «դիմել նախարարներին և խնդրել նոր գործավորներ տան և առհասարակ օգնեն ավանի շինարարության»: Նախարարներն առերես խոստանում են «անել կարելին», բայց իրենց խոստումը չեն կատարում: Այդ պարագան շատ է անհանգստացնում Արշակին և նա, իբրև ժամանակավոր միջոց, միտք է հղանում, որ «նախարարաց պատկանող բերդերը» լինեն թագավորի տրամադրության տակ, որպեսզի «ի դեպս պատերազմի» ինքը ի վիճակի լինի պաշտպանել երկիրը հայրենի» (99): Շուտով, սակայն, հայտնի է դառնում, որ բերդատեր նախարարները մտադիր չեն կատարելու Արշակի ցանկություն-պահանջը ոչ կամովին, ո՛չ ոսկով և ո՛չ էլ կալվածքների հետ փոխանակելով: Արշակը այն հաստատուն հետևությանն է հանգում, որ նախարարական ուժերի միավորմանը չի կարելի հասնել խաղաղ ճանապարհով. դրա միակ միջոցը ուժին ապավինելն է: «Բայց ես կստեղծեմ իմ բերդը, — մի առիթով ասում է նա Անդոկին, — որ լինի ամենքի բերդը և կլինի ավելի հզոր քան նախարարաց բերդերը և ղորանով ես կմիաբանեմ նոցա. և այդ միաբանությունը կդառնա հայոց բերդ. անխորտակ բերդ... թշնամին անդոր կլինի կործանել նորան: Այո, իշխան, տեսանելի բերդից ավելի կստեղծենք մեր ներքին բերդը...» (242):

Անհրաժեշտ է ուշադրություն դարձնել մի կարևոր հանգամանքի վրա ևս:

Հեղինակն Արշակի քաղաքական ընթացքը բնութագրելիս իրավացիորեն հերքում է պատմագրության մեջ բավական լայն տարածում գտած կարծիքը Արշակի բյուզանդական կողմնորոշման մասին, փաստերի նոր ու համոզիչ մեկնաբանությամբ հաստատելով նրա ազգային կողմնորոշումը՝ իբրև գործունեության բնորոշ կողմ: Նա իր դժվարին պայքարի ընթացքում առաջնորդվում է այն սկզբունքով, որ երկրի անկախության պաշտպանության հաստատուն ճանապարհը միայն ու միայն սեփական ուժերին ապավինելն է: Երկրի քաղաքական շահերի տեսակետից նա կործանարար է համարում հզոր հարևանների հովառավորությունը: Բնորոշ է, որ երբ երկրի մեծամեծներից ոմանք (Անդոկ, Ներսես Կաթողիկոս և այլն) հայոց աշխարհի ապահովության տեսակետից օգտակար են դիտում բյուզանդիայի հովանավորությունը, որը, նրանց կարծիքով, կլինի «նեցուկ և ղորավիզ վտանգի ժամին», Արշակը մերժում է դա և վճռաբար պնդում, որ «տեական ապահովությունը օտարի օգնությամբ չի լինում», որ «մեր աշխարհի ապահովության հոգսը» պահանջում է, որ «ամենք ինքներս կռենք մեր ապահովությունը՝ մեր բերդերով, մեր ղինու ղորությամբ և ոչ օտարին ապավինելով: Ապավեն փնտրում են անկարներն ու հիվանդները, բայց ոչ քաջառողջ

սարդիկ» (241): Եվ հենց այս գաղափարն էլ իր գեղարվեստական համոզիչ կերպավորումն է ստանում վիպական գործողությունների մեջ:

Արշակի քաղաքական կողմնորոշման հարցին դեռևս իր ժամանակ ճիշտ մոտեցում է ունեցել Րաֆֆին: Հիշենք Արշակի խոսքերը՝ Անհուշ բերդը այցելության եկած ու իրեն փախուստի առաջարկ անող Դրաստամատին. «Երբեք չեմ չանկանա փախստականի անուն ժառանգել, Դրաստամատ: Ո՛ւր գնամ: Հոռմեացո ց մոտ: Պարսկի բանտը ինձ համար ավելի տանելի է քան թե նրանց կեղծավորությամբ լի պալատները...» (Րաֆֆի, հ. 7, էջ 252):

Այսպիսով՝ օտարի հովանավորությունից անկախ, ազատ ու ինքնուրույն հղորդ պետականություն — ահա, ըստ հեղինակի մեկնաբանության, Արշակի քաղաքական ընթացքը բնութագրող գերագույն նպատակը:

Վիպական առանձին պատկերներում հեղինակն անդրադառնում է նաև Արշակի անձնական հատկություններին: Արշակը, ըստ Զորյանի մեկնաբանության, պետական գործերում համբերատար է ու շրջահայաց, սիրում է ունկընդորել ուրիշներին, կշռադատել ու քննել վիճակը իր ավագ պալատականների հետ: Արշակի համար բնորոշը եղել է պետական ողջախոհությունն ու վարվելակերպի մեծ տակտը: Այսպես, օրինակ, բերդատեր նախարարների հանդգնությունն ու կամակորությունը մեծ վրդովմունք են պատճառել Արշակին, անշափ զայրացած է հայոց արքան, բայց խուսափում է անհապաղ և մենակ վճիռ ընդունելուց ու կացությունը քննելու համար հրավիրում է ավագների խորհուրդ: Հեղինակն այս առթիվ ծանոթագրում է. «Արշակը որևէ ծանր խնդրի առաջ գտնվելով կամ որևէ դժբախտության հանդիպելիս՝ հավաքում էր ավագներին և լսում նրանց կարծիքները, շասելով իրենր, ստուգում էր անելիքը և ընդհանրապես շոշափում տրամադրությունները» (139): Այս հանգամանքը նրան չի խանգարում անհրաժեշտ դեպքում ընդունել կտրուկ որոշումներ և մեծ վճռականությամբ ի պատարածել դրանք:

Դառնանք Արշակի ու դժգոհ նախարարների ներհակությունների զարգացման հետագա ընթացքին: Նախարարները, ներքին երկյուղ զգալով, բացահայտ ապստամբությունը առաջժամ վտանգավոր են համարում և կամսարական ներսեհին պատվիրակ են ուղարկում երկրի հոգևոր առաջնորդի մոտ, որ սա համույի թագավորին՝ ետ վերցնելու իր վերջին հրովարտակն ու վերադարձնի իրենց «տիրափախ» ծառաներին:

Կամսարական իշխանը կաթողիկոսին հայտնելով, թե՛ «Հատուկ ժամանել եմ դժգոհ իշխանաց կողմից, որ վեհո կարգի հրավիրի Արշակ թագավորին, այլապես մենք ևս կդիմենք խստագույն միջոցի» (276), նաև սպառնում է, որ եթե Արշակը շարունակի իր ընթացքը և չկատարի իրենց պահանջները, «իրենք ևս կդառնան տիրասպան...»: Ներսեսը որոշ տատանումից հետո հանձն է առնում միջնորդի դերը, թեև հավատացած չէ, թե հաջողությամբ կավարտվի իր առաքելությունը: Եվ, իսկապես, արդարանում են նրա կասկածները: Չնայած ներսեսի հորդորներին և անգամ խիստ նախազգուշացումին՝ նախարարների նկատմամբ նրա բռնած դիրքի «ծանրածանր հետևանքների» մասին, թագավորը չի համաձայնվում ետ վերցնելու իր հրովարտակը՝ Արշակավանի կառուցումն ավարտելու իր վճռի մեջ մնալով անդրդիվելի ու անդիջում: Ներսեսի ու Արշակի տեսակցության նկարագրությունը առաջ է տարվում վարպետորեն կառուցված երկախոսություններով, որոնք մեկ անգամ ևս բացահայտում են Արշակի քա-

դաքական բնութագիրը, ընդգծում նրա պետական մեծ գործչի հատկությունները:

Ներսեսի ապարդյուն առաքելությունից հետո դեպքերն առավել լարված ու բուռն ընթացք են ստանում. երկու կողմն էլ համառում են, որի հետևանքով նրանց փոխհարաբերությունները սրվում են այն աստիճան, որ նախարարները սկսեցին զիջում ու միացյալ ուժերով հիմնահատակ կործանում քաղաքը, սրածուծում նրա բնակիչներին ու գերեվարում կենդանի մնացածներին:

Արշակավանի կործանման փաստը տարբեր կերպ են ներկայացնում խորենացիներն ու Փավստոսը: Վերջինս այն վերագրում է Ներսեսի անեծքի հետևանքով առաջացած ժանտախտին: «Եւ սկսաւ հատանել,— գրում է պատմիչը,— զոռարակեղն իմն կոչեն, իսկ կէսքն ժանդ անուանեն. ելանէր ի վերայ մարդկանն և անասնոցն: Ոչ ավելի եղև հարուածոցն ի վերայ նոցա քան զերիս աւուրս յերկարեցաւ, զի անմարդացաւ. քան զքսան հազարք սատակեցան երդք մարդկան, ոչ մնաց ի նոցանէ և ոչ մի. զի առ հասարակ սատակեցան կոտորեցան յանկարծօրեն քանդեցան. զի միահաղոյն եկն սատակումն ի վերայ նոցա»²:

Բրողությունն այլ կերպ է ներկայացնում խորենացին. «Եւ նախարարացն Հայոց ժողովեալ զիմեցին ի վերայ արքունական ձեռակերտին Արշակավանի, և հարին զնա սրով սուսերի յառնէ մինչև ցկին, բայց ի տղայոց ստնդիացաց. քանզի դառնացեալք էին իւրաքանչիւր ի վերայ ծառայից իւրեանց և յանցաւորաց»:

Վեպի համապատասխան դրվագի համար Զորյանը հիմք է ընդունել խորենացու վկայությունը: Վարպետորեն հյուսելով պատմականն ու վիպականը, հեղինակը կերտել է Արշակավանի համար մղված էություն ու նրա կործանման իրադատում պատկերը: Էպիկական մեծ շնչով, հոգեբանական ինքնատիպ վերլուծություններով հարուստ այդ նկարագրությունը Զորյանի վեպի լավագույն կտորներից մեկն է: Արշակը այստեղ հանդես է գալիս իբրև մի շեշտված անհատականություն, պետական շահերով առաջնորդվող աչքի ընկնող մի գործիչ, բարդ ու հակասական բնավորությամբ, իր դաժան դարի առանձնահատկություններով պայմանավորված գործելակերպի տիպական դեբյուտ: Վիպական դեպքերի ընթացքից նկարագրություններում հեղինակը գեղարվեստորեն համոզում է, որ Արշակի դաժան քայլերը թելադրվում են պատմական անհրաժեշտությամբ, իսկում են հասարակաց օգուտից:

Նպատակին այնպիսի մեծ համառությամբ հետամուտ եղող Արշակը, որին սեծ ցավ ու դայրույթ է պատճառել Արշակավանի կործանման փաստը, և որը բրոշել էր անհապաղ «սաստիկ պատժել» երդմնադանց ու հանդուգն նախարարներին, լրջորեն կռադատելով իրադրությունը, կանխագուշակելով հետագա բնդհարումների ծանր հետևանքները՝ երկրի ընդհանուր քաղաքական վիճակի տեսակետից, առավել խոհեմ է դիտում առայժմ չշարունակել արյունահեղությունն ու համաձայնվել Ներսեսի արած հաշտության առաջարկին:

Զինադադարից հետո մոայլ մտքեր են պաշարում Արշակին: «Հակառակորդները թեև նկատում էին խնդրում և հնազանդություն հայտնում,— մտածում է նա,— բայց նրա բարկությունն ու դայրույթը չէր զոհանում դրանով: Եթե նրանք ժամանակին չկատարեցին իր պահանջները՝ բերդեր ու զինվոր տալու—

² Փ ա վ ս տ ո ս, էջ 174:

³ Խ ո ռ ե ն ա ջ ի, էջ 289:

դա սովորական էր և հասկանալի, ուստի և քիչ էր վրդովում: Սակայն այս, որ նրանք ավերել են տարիների ջանքերով կառուցած քաղաքի թաղերը, նրա ցավը փոխվում էր զայրույթի: Թվում էր նրան, թե խորտակել են իր պետության հիմքը, երկիրն ամրացնելու իր բոլոր երազները... Լավ էր, այո, որ լսեց կաթողիկոսի խորհուրդը և դադարեցրեց կռիվը. բայց Ավա՞նը, բայց բե՛րդը... Ո՞վ պիտի հատուցի իր կորուստը... Ինքը, այո, շուգեց հանցապարտների պատճառով կոտորել զինվոր ու ժողովուրդ, բայց քաղաքն ավերողները մի՞թե պիտի մնան անպատիժ» (437—438): Այս խոհերն են, որ կուտակվելով ու զարգանալով՝ Արշակին հանգեցնում են ոճրապարտ ու ապստամբ նախարարներից դաժան վրեժ լուծելու մտքին:

Հիշենք, թե ինչպես են ներկայացնում մեր հին պատմիչները Արշակի՝ նախարարներին պատուհասելու փաստը: Համաձայն Փավստոսի, Արշակը «ըստ կամաց շարութեան իւրոյ գնացեալ լինէր... և զբաղումս ի նախարարացն կոտորեաց, զբաղումս ազգատ արարեալ անճիտեաց, և զբաղմաց տունս հատանէր յարքունիս: Բայց զտոհմս Կամսարականացն՝ որ էին զաւառաց տեարք, Շիրակայ և Արշարունեաց, ազգատ առնէր. և զգաւառսն ունէր յոստան»⁴: Նույնը հաստատում է նաև Խորենացին՝ ավելացնելով որոշ մանրամասնություններ. «Ի հեռանալ մեծին Ներսեսի՝ ստեաց Արշակ ամենայն ուխտիցն, զոր եղ ընդ նախարարսն, և խնդրեաց զքէն ձեռակերտին իւրոյ Արշակաւանու: Եւ կոտորեաց զբաղումս ի նախարարացն, մանաւանդ զաղգն Կամսարականաց բառնայր ի միջոյ, շարակնելով ազահեալ յամուրն Արտաղերս և ի քաղաք ոստանի նոցա Նրուանդաշատ: Եւ կոչեալ առ ինքն ի լքեալ արքունիսն Արմաւիր իբր զազգականս իւր, ի պատճառս պատուոյ մեծարանաց, միահաղոյն զարս և զկանայս հանդերձ մանկամբք հրամայեաց կոտորել: Եւ ոչ ոք ի նոցանէ ապրեցաւ, բայց Սպանդարատ որդի Արշաւրի...»⁵:

Կարծում ենք, որ միանգամայն ճիշտ է վարվել հեղինակը այս փաստը ևս, ի շարս այլ իրողությունների, օգտագործելով թագավորի ու նախարարների ներհակությունների բուն էությունը ճշմարտացի արտացոլելու. դարաշրջանի ոգուն համապատասխան մարդկային անհատականությունները տիպականացնելու համար:

Վիպական գործողությունների ընթացքից սլարզ է դառնում, որ Արշակը դառն փորձով համոզվել է, թե ինչ արժեք ունեն նախարարների հպատակության երդումն ու հավատարմության ուխտը: Նրան քաջ հայտնի է, որ նախարարներն իրենց զինված գործողությունները կարող էին հասցնել մինչև վերջ՝ նույնիսկ չկանգնելով իրեն զահագուրկ անելու առաջ, եթե չհանդիպեին արքունի զորքի դիմադրությանն ու չվախենային, թե Արշակը օգնական զորք կկանչի հարևան երկրներից (վիպում ակնարկվում է Վրաստանից օգնական զորք բերելու Արշակի մտադրության մասին): Արշակը խորապես հավատացած է նաև, որ իրադրությունը փոխվելու դեպքում նախարարները կարող են նորից գլուխ բարձրացնել և այս անգամ արդեն, Արշակավանի դեպքերից հետո, ունենալով Հայաստանի անկախությունը ոչնչացնելու միտող տեղությունների՝ մասնավորապես պարսիկների օժանդակությունը (որոնց հետ մութ գործարքների մեջ էին Մերուժան Արծրունին ու Վահան Մամիկոնյանը), նրանց հարձակումը կլի-

⁴ Փավստոս, էջ 199—200:

⁵ Խորենացի, էջ 294—295:

նի առավել հանդուգն ու կատաղի: Եվ նա որոշ տատանումից հետո ընդունում է նախարարներին Արմավիրի ամրոցում դավադրաբար պատուհասելու վերջնական ու անխախտ վճիռը:

Ուշագրավ է, որ նույն հայեցակետով է գնահատել Արշակի ընթացքը նաև Ի'աֆֆին Անհուշ բերդում Արշակ թագավորի հայտնի մենախոսության մեջ:

Զորյանը առաջնորդվել է կյանքն իր բարդ հակասություններով, դրամատիկական ու ողբերգական եղելություններով ճշմարտացի վերականգնանացնելու անհրաժեշտության սկզբունքով, պատմական ճշմարտությունը, որքան էլ այն դառն լինի, իր ողջ բարդությամբ ընթերցողին ներկայացնելու միտումով:

Վիպասանը խոր պատմականության է հասել ոչ միայն դարի ընդհանուր «գին բնորոշող քաղաքական կյանքի տարրեր միտումների բախումների ճշմարտացի պատկերման բնագավառում, այլև պահպանել է հարադատությունը պատմական հայտնի փաստի նկարագրության մեջ, ցույց տալով, որ պատմական դարգացման առաջավոր ուղեգիծը կրող նշանավոր գործչի դաժան քայլերը վերջիվերջո պայմանավորված են իր դարի յուրահատուկ պայմաններով: Հարադատ մնալով պատմական փաստերին, Զորյանը դրանով բնավ էլ «ջուրը չի գցել Արշակին արդարացնելու» իր նկատելի «ջանքերը», ինչպես նշել է «Հայոց բեղդի» գրախոսներից մեկը⁶: Ընդգծելով Արշակի բարդ անհատականությունը, նրա բնավորության հակասական էությունը՝ վիպասանը տվել է նրա արարքի պատմա-հոգեբանական պատշաճ հիմնավորումը՝ Արշակի դաժանությունը ներկայացնելով իբրև իր դարի համար երկրի քաղաքական շահերից բխող մի անհրաժեշտ քայլ: Գործողությունների դարգացման տրամաբանական ուժով վիպասանը և՛ իբրև պատմաբան, և՛ իբրև գեղագետ պատճառաբանել է Արշակի եղբրական քայլը, որը այլ պարագաներում, անշուշտ, կդիտվեր իբրև բռնակալ արքայի անմիտ մի ոճրագործություն: Զորյանի երկի պատմականության բնորոշ գիծը հենց այն է, որ նա այստեղ գեղարվեստորեն համոզում է, որ այդ պահին, ստեղծված բարդ իրադրության պայմաններում, թագավորն այլ կերպ վարվել չէր կարող, հակառակ դեպքում կործանման իրական վտանգի տակ էր դրվելու երկրի հզորացման և օտարի գերիշխանությունից ազատ ու անկախ տերություն ունենալու մեծ գործը:

Ուշադրության է արժանի այն բացատրությունը, որ տալիս է Արշակը իր արարքին: Իրեն հանդիմանող Վասակին թագավորը պատասխանում է. «Ես, սպարապետ, այլ կեղծ չէի կարող: Այս էր պահանջում Հայոց Աշխարհի հանգրստությունը... Մի զարմանար, սպարապետ սիրելի: Դու իրազեկ չես նոցա եղեռնագործությանց: Լսած ես, որ ավանն ավերելուց հետո ես կամեցա խստիվ պատժել նոցա՝ ղենքով ելան դեմս. և մենք ճակատեցինք օրերով... ապա քահանայապետի միջոցով ցանկացան հաշտվել: Ես հոժարեցի, խորհելով, որ կստիպեմ նոցա նորոգել իրենց ավերած ավանը... Սակայն նոքա եղան ուխտադրուժ ու նենգ. ծածուկ կոտորեցին գերի վարած հարյուրավոր մարդիկ, դրանց մեջ նաև Ավանիս շահապ Վարադ իշխանի որդոց, և այդ տակավին ավազներից չգիտի ոչ ոք... Ես կամեցա մեր առաջին տեսությանը այս ամենը պատմել քեզ և հարցնել խորհուրդդ... ու ես իմ զայրույթը պահեցի ցայսօր...» (451):

⁶ Տե՛ս «Երևան» օրաթերթ, 1960, 6 մարտի, № 56:

Մանր նզովք է ուղղում Արշակին Ներսէսը՝ նրա գործած ոճիրի համար, բայց թագավորը դարձյալ իր արարքի հիմնավորումը կապում է երկրի ապահովության կարևոր խնդրի հետ:

Այստեղ վիպասանը միանգամայն համամիտ է իր հերոսին:

Զորյանը դարաշրջանի քաղաքական մեծ բախումների պատկերին մի շարք դեպքերում կարողացել է օրգանապես միաձուլել իր հերոսների հոգեբանական աշխարհի նուրբ վերլուծությունները: Արշակի՝ ուժեղ կամքի ու հզոր անհատականության տեր պետական այդ գործչի մեջ նա միաժամանակ ընդգծել է նաև մարդկայինը, նրա հոգեբանական խոր ապրումները տեղի ունեցած եղեռնագործությունից հետո: Հոգեկան մեծ պայքար է ապրել նա՝ ապստամբ նախարարներին դավադրաբար պատուհասելու մտքին հանգելով, բայց հիմա, երբ փաստն արդեն կատարված է, Արշակը թեև դարձյալ արդարացնում է իր քայլը իբրև պետական գործիչ, բայց իբրև մարդ խորապես զգում է իր արարքի արտակարգ ծանրությունը: Որքան բնորոշ է այս տեսակետից Արշակի ու Փառանձեմի երկախոսությունը, որն անմիջապես հաջորդում է եղեռնագործության առթիվ Արշակի և Վասակի ու Ներսեսի բուռն վեճերին:

Իր դաժան դարի հարազատ զավակը, հանուն պետական մեծ նպատակների, ոչ միայն կարող է անգթորեն սրի քաշել իր դեմ ապստամբած նախարարներին, այլև ունակ է խաշի առաջ աղոթել ու արտասվել՝ իբրև սովորական մի մարդ: Թագավորի ու կենտրոնախույս նախարարությունների բնորոշ ներհակությունների առանձին հետաքրքրական մոմենտներ Զորյանը տվել էր իր անդրանիկ պատմավեպում՝ հարակցելով դժանք ազատագրական մաքառումի իրողություններին:

Հատկանշական է, որ Պապը, ըստ վիպասանի միտումի, թեև լրիվ համաձայնում է հոր քաղաքական ծրագրերին ու նպատակին, ամբողջովին ընդունում է նաև երկրի տարանջատ ուժերի միավորման առաջնահերթ նշանակությունը երկրի անկախության համար, բայց կարծես այնքան էլ համամիտ չէ հորը՝ միավորման բռնի մեթոդների խնդրում և հիշելով հոր ձախողումը Արշակավանի հարցում, տարակուսում է, թե «պետք էր արդյոք այդպես անել»: Պապն անգամ պատրանք է տալով, թե առանց «երկաթե զավազանի» էլ կարելի է գահի միահեծանությանը ենթարկել ինքնիշխան ու անմիաբան նախարարներին, եթե լավ կիրառվեն «համոզելու», «հասկացնելու» եղանակները: Այդ միտումը նկատելի է մասնավորապես «Պապ թագավորի» վերջին դրվագներում, որտեղ ընդգծվում են Պապի «համոզելու քաղաքականության» հաջողությունները (օր., Պապի այցելությունը Հավնունի նախարարի ամրոցը և այլն):

«Հայոց բերդում» Զորյանը առանձնակի ուշադրություն է դարձրել կենտրոնացած պետականության հակոտնյա գլխավոր ուժի՝ կենտրոնախույս նախարարությունների առանձին ներկայացուցիչների տիպականացմանը, վիպական գործողությունների մեջ հանդես բերելով ուժեղ, կենդանի անհատականություններ: Հենց այսպիսի կերպարների միջոցով է, որ հեղինակին հաջողվել է առավել արտահայտիչ ու ճշմարտացի ներկայացնել դարաշրջանի իշականության էական գծերը, մասնավորապես ֆեոդալական ինքնագլխության ներքին էությունը, շեշտել պատմական կյանքի իրարաւերժ միտումների բախումները: Կասկած չկա, որ Արշակի կերպարը չէր ունենա ներգործոն այն ուժը, եթե նրա հակառակորդ բանակի մարդիկ հանդես բերվեին իբրև թուլակամ ու ողորմելի

անձնավորություններ: Զորյանի երկրորդ պատմավեպը այս տեսակետից որոշակի առաջընթաց է «Պապ թագավորի» համեմատությամբ:

«Հայոց բերդի» մեջ ընթերցողը հանդիպում է նախարարների հաջող կերտված կերպարների մի շարքի, որոնցից ամեն մեկը յուրովի մարմնավորում է դարի ու դասի բնորոշ գծերը, մարդկային փոխհարաբերությունների, բնավորության ու հոգեբանության տիպական հատկությունները: Առավել հաջողված կերպարների թվին են պատկանում Վահե Վահևունին, Դավիթ Համունին և առանձնապես՝ նախարարական ապստամբության ղեկավար Ներսեհ Կամսարականը: Վերջինս իր դարի ու դասակարգի հարադատ ծնունդն է, Արշակունյաց կենտրոնական պետականության համոզված թշնամին, նախարարական եսասիրության, նրա կենտրոնախույս նկրտումների կենդանի մարմնացումը:

Հայտնի է, որ պատմավիպասանից պահանջվում է խոր պատմական մոտեցում իրական դեմքերի բնութագրի էական կողմերն արտահայտող փաստերի գեղարվեստական պատկերման ու մեկնաբանության մեջ: Այստեղ հեղինակի կատարած ամեն մի քիչ թե շատ չպատճառաբանված նահանջը պատմականությունից, բնականաբար, չի կարող ակնհայտ չափով շվնասել պատմական իրականության գեղարվեստական ճանաչողությանը: Այդպիսի նահանջ տեսնում ենք, օրինակ, Արշակի, Գնելի ու Տիրիթի փոխհարաբերությունների շուրջը հյուսված վիպական կոնֆլիկտում, որի մեկնաբանությամբ ու լուծումով հեղինակը ոչ միայն չի տվել դեպքերի զարգացման քիչ թե շատ համոզիչ պատճառաբանությունն ու պատմա-հոգեբանական հիմնավորումը, այլև բացահայտ հակասության մեջ է մտել իրական փաստերի հետ:

Թագավորը հուղված է ու զայրացած Արշակավանի շինության պատճառով նախարարների հանդուգն մերժողական պատասխանի առիթով, և հենց այդ պահին գալիս է Տիրիթը ու ամբաստանում Գնելին, հայտնելով թե Գնելը, արքայահոր հետ համախորհուրդ, գալ է նյութում Արշակի դեմ, նպատակ ունի դահրնկեց անել նրան ու դառնալ թագավոր: Արշակն սկզբում լսածին չի հավատում. նա Գնելին գիտե իբրև գրական անձնավորություն, մանավանդ, որ ինքն էլ վատ բան չի արել նրան, որևէ ձևով ոչ միայն չի սահմանափակել նրա իրավունքները, այլև նույնիսկ ավանդական կարգը խախտելով արտոնել է բնակվել Կավաշում՝ պապի մօտ: Բայց Արշակի մոտ աստիճանբար խորանում են կասկածները և նա խորհում է. չէ որ Գնելն իր ավագ եղբոր որդին էր և ավագության կարգի համաձայն «ներա հայրը պիտի լիներ գահակալ», եթե կենդանի մնար, իսկ նրանից հետո գահակալության իրավունքը Գնելին էր անցնում: «Անհավանական չէ, անշուշտ, մտածում է Արշակը, որ Գնելն ամուսնությունից հետո ձգտի և փառքի. կամենա դառնալ գահակալ... բոլոր արքայազների երազն է ս.յդ» (105): Արշակը նույնպես մտածում է, որ «Գնելն անկասկած մենակ չէ իր ձգտումի մեջ... Եվ Արշակին թվում էր, թե նրա ետև կանգնած են անշուշտ իր հակառակորդները, դուցե և թշնամիները: Առաջինը թեկուղ իր հայրը, որ տակավին չի կամենում հաշտվել իր գահադրկության հետ և թերևս նա է դրդում Գնելին այդ քայլն անելու...» (105): Արշակին միանգամայն հնարավոր է թվում իրենից դժգոհ նախարարների ու Գնելի զաղտնի համաձայնության հանդամանքը: Եվ ահա վիպասանը հարում է. «Արշակը լսել էր, որ թագավորահայրը սիրում է սպանված ավագ որդու ժառանգին՝ Գնելին. սիրում է այնչափ, որ նրա հարսանիքի օրը իր բաժին կալվածքներն ու հարստությունը նվիրաբերել է Գնելին, իսկ Գնելը Բյուզանդիոնից բերած ոսկեղենն ընծայարերել է հարսանիք և

կած նախարարներին և նրանց որդիներին, ահա ինչու և ամենքը սիրում են նրան և իրենց որդոց ուղարկում նրա մոտ՝ զենքի վարժության» (109)։ Արշակը, նկատի առնելով նախարարների վարքագիծը, մտածում է, որ նրանք ապավինում են մի հզոր հենարանի՝ Գնելին. ինչո՞ւ մինչև վերջինիս՝ Կավաշ բնակվելը նախարարները չունեին այդ համարձակությունը. «Արշակը ուստի, անհավանական չէր համարում, որ իր դժգոհ նախարարները, դավելով իր դեմ, դա՛հ կբարձրացնեն նրան...» (149)։ Նա հնարավոր է համարում նաև, որ Գնելը կարող է ուղարկված լինել կայսեր կողմից. «Արշակը մտածեց, — հարում է հեղինակը, — որ դա ևս կարող է լինել։ Թերևս կայսրը դժգոհ է իրենից և կամենում է իր փոխարեն թագավորեցնել Գնելին։

...Անհավանական չէ և այդ...» (154)։

Մի սլահ թվում է, թե վիպասանը բացահայտում է դարերի խորքում կորած բարդ իրադարձությունների բուն էությունը և կարծում ես, թե հետագա վիպական գործողությունների մեջ այս ամենը պիտի ստանա իր ճշմարտացի արտացոլումը։ Սակայն վիպական դեպքերը ծավալվում են այլ ուղղությամբ, և հեղինակը, հեռանալով իրականությունից, այդ ամենը ներկայացնում է իբրև արդյունք ցավալի թյուրիմացությունների, սլատահական զուգահիշությունների, անհիմն կասկածների։

Այդպիսիք են, օրինակ, Գնելի վերաբերյալ Արշակի կասկածների ստուգման հանգամանքները։ Տիրիթից ստացած լուրի հավաստիությունն ստուգելու նպատակով Արշակը Կավաշ է ուղարկում սենեկասլետ Վարդ Մամիկոնյանին։ Վերջինս Կավաշում մնում է մեկ օր, և, ինչպես կարելի է մեկնաբանել վեպի համասլատասխան հատվածից, ըստ էության չի հայտնաբերում որևէ լուրջ փաստ, որը մինչ այդ անհայտ լիներ Արշակին և կամ կարող լիներ հաստատել Գնելի թագապահանջական դավադիր ընթացքը, բացառությամբ, թերևս, այն հանգամանքի, որ արքայազնին, նրա երիտասարդական զվարճությունների՝ ոտբախաղերի մեջ, ի շարս այլոց, ընկերակցում են Արշակից դժգոհ նախարարների որդիները։ Ո՛չ հոգեբանորեն և ո՛չ էլ զարգացման տրամաբանական ընթացքով չի հիմնավորվում այն սլարագան, թե Վարդի հաղորդածները թագավորին կաշոող էին վերջնականապես համոզել իր հարազատի կողմից իր դեմ սարքվող դավադրության իսկության մեջ։ Գեղարվեստորեն չի սլատճառաբանված հեղինակի այն միտքը, թե «մտածելով Արշակը համոզվում էր, որ Վարդի բերած լուրերը հաստատեցին Տիրիթի խոսքերը և իր կասկածները Գնելի նկատմամբ» (149)։

Անհամոզիչ ու չսլատճառաբանված են և Արշակի տատանողական վճիռները Գնելի վերաբերյալ։ Իր դեմ նյութվող դավադրության մեջ համոզված Արշակը մեկ որոշում է «շարիքը կանխելու» համար Գնելին անմիջապես հեռացնել Կավաշից, անգամ՝ սլատուհասել անհապաղ, մեկ էլ՝ հանկարծ փոխելով վճիռը, որոշում է արքայազնին հրավիրել Շահապիվանի նավասարդի տոնին՝ հետը «անձամբ անձին» խոսելու նպատակով «նախապես շնորհավորելով ամուսնությունը, ընծաներ տալով իրեն ու իր հարսին... դա կլիներ առավել խելացի... րա կուրախացներ և արքայահորը...» (155)։ Արշակը մտածում է այդ ձևով «սիրաշահել Գնելին, որ նա, տակավին անփորձ սլատանին, չընկնի շարանենգ նախարարների ազդեցության ներքո» (154), խորհում է նույնիսկ, որ «թեև կարգ չէ և ընդունված չէ՝ բայց կարելի է գուցե հանձնել նրան և բարձր մի

պաշտոն արքունիքում... այսպես նա հեռու կլինի զԺողհ նախարարներից» (154) և այլն։

Այս ամբողջը, Արշակի խոհերն ու ապրումները, դուցև և մարդկայնորեն բնական ու հասկանալի են թվում, սակայն իրենց էությունմբ հակասում են պատմական զեպրերի զարգացման իրական ընթացքին և հավանական շեն այատմականորեն։

Դրանում առավել խորն ենք համոզվում զեպրերի հետագա ընթացքին հե-տևելով։ Բանակցությունների նպատակով կնոջ հետ միասին հրավիրված Գնե-լը զավաղրարար սպանվում է Տիրիթի ձեռքով՝ զեռես Շահասլիվան շհասած։ Արշակն ամենեին անտեղյակ է զավին։ Դրան հաջորդում են Տիրիթի պատու-հասման, ապա և Արշակի ու Փառանձեմի սիրո պատմությունները։

Գնելն իրականում եղել է ժամանակի ականավոր քաղաքական եռանդուն զործիշներից, բյուղանղական կողմնորոշման հոսանքի պարաղլուխներից մեկը, բրի պայքարն Արշակի զեմ խթանվել է նաև թաղապահանղական-եսասիրական զրդումներով։ Սրա փոխարեն վեպում Գնելը հանղես է բերվում իրբև մի մարղ, որը բացարձակապես ոչ մի առնչություն չի ունեցել ժամանակի կյանբն ալեկոչ ծող իրաղարձությունների հետ։ Այս պատճառով էլ Զորյանի Գնելը ոչինչ ընղ-հանուր շունի իր պատմական իրական նախատիպի հետ (բայց ոչ այն նախա-աիպի, որ ներկայացվում է Փավստոսի բերած ավանղական զրույցում)։

Թաղավոր որղու և զահաղուրկ արբայահոր՝ իրականում շատ բարղ փոխ-հարարերությունների պատկերմման մեղ ևս վիպասանն ընթացել է իրականում շատ խճճված հանղույցի պարղեցման ուղիով։ Տիրանի ու նրա որղու փոխհա-բարերությունների բնորոշ հանղամանբները վիպական կենղանի զործողու-թյունենել շեն զառնում և նույնիսկ ավելորղ են թվում, երբ նկատի ենք ունենում կանթիլկտի այն լուծումը, որ տալիս է Զորյանը։

Վիպական հյուսվածքի մեղ Արշակի ու Տիրանի փոխհարարերությունների նկարաղրությունը հեղինակն աշխատել է զուղակցել Արշակ-Գնել հանղույցին։ Սակայն «շայոց բերղում» անտես է առնված զլիսավորը։ Իս պապի ու թոռան հասարակական-բաղաքական հիմբի վրա բարձրացած զաշնակցությունն էր Արշակի զեմ, երկու կողմների կատաղի բախումները, որոնք իրականում ա-վարտվել են Գնեղի սպանությունմբ ու Տիրանի խեղղամահ արվելով։ Մինղեռ բստ Զորյանի՝ Արշակը միանղամայն անհաղորղ է եղերական այս զեպրերին, և նրա հայբասպանությունը լոկ թշնամիների տարածած հերյուրանբ է։

Առաղին հայացքից կարող է թվալ, թև պատմականությունը հեղինակը հա-վատարիմ է մնացել Տիրիթի կերպարի կերտման հարցում։ Զորյանը հետևել է Փավստոսի մոտ պահպանված հայտնի ավանղական զրույցին, որի մեղ, այլ փաստերի հետ միասին, Տիրիթի ընութաղիբը ևս էական փոփոխությունների է ենթարկված ու վիպական հանղամանբներով զաղղարված։ Տիրիթը ժամանակի ալն զործիշներից էր, որն իր քայլերի զլիսավոր շարժառիթներն ստանում էր քա-ղաքական միանղամայն որոշակի նպատակաղրումից ու զրղապատճառնեղից։ Նա Վարղ Մամիկոնյանի ու իր մյուս համախոհների հետ զլիսավորում էր պարս-կասեր հոսանբը, և հենց այս հողի վրա էլ իրականում ծավալվել է նրա պայքարը

7 Այս խեղիբների ընությունը տե՛ս մեր «Գնել-Տիրիթյան վիպական ավանղության պատ-մական հիմբի հարցի շուրղը» հողվածում («Պատմա-բանասիրական հանղես», 1964, № 4, էղ 83—100),

մի կողմից՝ ընդդեմ բյուզանդական կողմնորոշման հոսանքի ու Գնեղի, իսկ մյուս կողմից՝ ընդդեմ Արշակ թագավորի: Զորյանը Տիրիթի բնութագրման համար մեջտեղ է բերել նրա տոհմանքի, քսության ու խարդավանքի փաստերը: Սակայն կարծում ենք, որ կերպարի ռեալիստական բնութագրության համար նա առաջնահերթը պիտի դարձներ իրականն ու բնորոշը՝ Տիրիթի քաղաքական վարքագծի էական հանգամանքները:

Տարակույս չկա, որ վեպը շատ կշահեր, եթե հեղինակը քննական մոտեցման ճանապարհով ավելի խոր թափանցեր պատմական իրադարձությունների ծալքերի մեջ ու կերպարի հիմքում դներ ոչ թե կենցաղական մանրուքներն ու մարդկային կրքերի շնչին դրսևորումները (որոնք նույնպես կարող էին տեղ գտնել վեպում), այլ առաջին հերթին Տիրիթի պարսկական կողմնորոշման, նրա քաղաքական գիմանկարը բնորոշող իրական հասարակական շարժառիթները պատմականորեն տիպական ու հավաստի փաստերը:

Այստեղ հարցը վերաբերում է ոչ միայն պատմական այս կամ այն դեմքի ճշմարտացի բնութագրմանը, այլև, որ առավել կարևորն է, այն բանին, թե հեղինակի մեկնաբանությունները որքանով են նպաստել կամ խանգարել դարաշրջանի պատմական կյանքի էական առանձնահատկությունների բացահայտմանն ու ճշմարտացի արտացոլմանը: Երբ խնդրին մոտենում ենք այս հացկետով, ապա ակնհայտ է դառնում հեղինակի վրիպումը տարբեր կողմնորոշման հոսանքների պայքարի ռեալիստական արտացոլման առումով:

«Հայոց բերդում» Արշակի կենսագրության փաստերի շուրջ դարձող վիպական հանգույցներում, մասնավորապես՝ Արշակ-Դնել-Տիրիթ փոխհարաբերությունների նկարագրությունների մեջ ընթերցողը հանդիպում է մի պատմական անձնավորության ևս. դա արքայի սենեկապետ, Վասակ սպարապետի եղբայր Վարդ Մամիկոնյանն է: Սա ևս Արշակի գահակալության շրջանի աչքի ընկնող դործիչներից, պարսկական կողմնորոշման հոսանքի պարագլուխներից մեկն էր:

Վարդի կերպարի զարգացումը վեպում տրված է քաղաքական ներհակ կողմնորոշումների կատաղի պայքարի ոլորտից դուրս: Այստեղ, իսկապես, վիպասանը չի համոզում, եթե, մանավանդ, նկատի ունենանք, որ խոսքը վերաբերում է Մամիկոնյան նախարարական տան նահապետին ու արքունիքում մեծ դիրք ունեցող պալատական պաշտոնյային: Բնական չէ, որ ընթերցողը Վարդին տեսնում է միայն Արշակի որոշ գաղտնի հրամանները կատարողի ու երիտասարդ արքայազն Տիրիթի ձեռքին ակամա գործիքի դերերում:

Հեղինակը պահպանել է իրական փաստը. Վարդն սպանվել է Արշակի հրամանով, սակայն փաստի գեղարվեստական մեկնաբանությունը չի տարել տիպական հանգամանքների ճշմարտացի նկարագրության հունով, այդ սպա-

⁸ Նկատենք, ի դեպ, որ, ինչպես երևում է հպանցիկ մի ակնարկից, Բաֆֆին զարմանալի խորաթափանցությամբ ժամանակին կռահել է Տիրիթի (ինչպես և Վարդ Մամիկոնյանի) քաղաքական ընթացքի բնորոշ կողմը. Սամվելի բերանով վիպասանը այս առթիվ շատ ուշագրավ մի դիտողություն է անում. «...Երբ իմ հորեղբայր Վարդանը արքայազն Տիրիթի հետ ապրասամրվեցին մեր Արշակ թագավորի դեմ և դիմեցին պարսից Շապուհ արքային,— դարձյալ իմ հորեղբայր Վասակն էր, որ դնաց նրանց հետևից, և ճանապարհին բռնելով սպանեց թե՛ Տիրիթին, և թե՛ յուր եղբորը... նրա ձեռքը չդողաց թափել յուր հարազատի արյունը, որ դավաճանում էր յուր թագավորին ու յուր հայրենիքին...» (Բաֆֆի, Երկերի ժողովածու, հատ. 7, Երևան, 1956, էջ 33):

նությունը պատճառաբանելով անձնական պարագաներով, մինչդեռ իրականում, այն պայմանավորված է եղել քաղաքական լուրջ հանգամանքներով⁹։

Վեպը շատ բանով կշահեր, անշուշտ, եթե վիպասանը Արշակի դաժան աքաղաղները (հարազատների սպանության փաստերը) հերքելու փոխարեն դրանք ներկայացնելու իրեն հավաստի իրողություններ (ինչպես իրականում եղել են), տալով դրանց խոր, բաղմակողմանի ու ճշմարտացի պատմա-հոգեբանական մեկնաբանությունը։ Դա ոչ միայն որևէ չափով հեղինակին չէր խանգարի համոզիչ պատկերներով ընդգծելու Արշակի քաղաքականության պատմական առաջադեմ դերը, ներկայացնելու նրան իրեն մի բարդ ու հակասական մարդկային կենդանի անհատականություն, այլև, բնորոշակապես, մեծապես կնպաստեր դրան։

* * *

Պարաշրջանի փոթորկահույզ իրականության մեջ լայն տեղ էին դրավում երկրի աշխարհիկ և հոգևոր իշխանությունների յուրահատուկ հակամարտությունները, որոնք առանձնապես սուր բնույթ էին ստացել Արշակ Բ-ի և Պապի գահակալության ու ներսև հայրապետի աթոռակալության տարիներին։

Ահա թե ինչու միանդամյն արդարացի է, որ Զորյանն իր պատմավեպերում լավական ընդարձակ տեղ է հատկացրել Արշակունի թագավորների ու կաթողիկոսների բարդ փոխհարաբերությունների պատկերմանը։ Այդ փոխհարաբերությունների որոշ գծերին վիպասանն անդրադարձել է «Հայոց բերդի» մեջ, բայց իրական մեծ կոնֆլիկտի առավել կարևոր կողմերի խոր ու համակողմանի արձագոյություն իրականացրել է «Պապ թագավոր» վեպում։

Զորյանը տիպական հանգամանքների նկարագրությամբ ցույց տվեց, որ հոգևոր և աշխարհիկ տերերի հակամարտությունները իրականում պայմանավորված են եղել ղլխավորապես Արշակունյաց Հայաստանի ֆեոդալական իրականության առանձնահատկություններով։ Ինչ խոսք, վիպասանն այստեղ օգտուվել է պատմագիտական նորագույն հետազոտություններից, բայց մենք պարտավոր ենք ըստ արժանվույն գնահատել նրա ինքնուրույն մոտեցումը։

Հատկապես «Պապ թագավորի» մի քանի վիպական պատկերներում Զորյանը քննական ընկալումով ֆուրովի օգտագործել է ոչ միայն այդ հակամարտությունների վերաբերյալ մատենագրական աղբյուրների տվյալները, այլև նբեակալությամբ ստեղծված փաստերը, որոնք, ըստ մեծի մասին, պատմականորեն նույնքան ճշմարտապատում և տիպական են թվում։

Զորյանը հատուկ ուշադրություն է դարձրել աշխարհիկ ու հոգևոր իշխանությունների հակամարտությունների սոցիալական հիմքերի բացահայտմանը, առանձին փաստերի գեղարվեստական ընդհանրացման միջոցով նպատակ ունենալով հաստատել այն իրողությունը, որ Պապ թագավորի գեմ հոգևոր դասը թշնամության ղլխավոր պատճառը եկեղեցու իրավունքների սահմանափակման հարցն է եղել, թագավորի այն հրամանը, որով եկեղեցին զրկվում էր ժողովրդից պողի ու տասանորդ գանձելու իրավունքից և հարկահանությունը հայտարարվում էր արքունի մենաշնորհ։ Ծիշտ է, գեուես Բաֆֆին «Սամվելի» ժեպակագծի մեջ» ղլխում նշել էր IV դարի պայմաններում սոցիալական զործոնի տերը աշխարհիկ ու հոգևոր իշխանությունների փոխհարաբերությունների սըր-

⁹ Մանրամասն տե՛ս «Պատմա-բանասիրական հանդես», 1964, № 4, էջ 90 և հտ.։

ան մեջ, բայց նա վեպում շանդրադարձավ համապատասխան իրողությունների գեղարվեստական արտացոլմանը՝ այն, ըստ երևույթին, իր նպատակից դուրս համարելով:

Թագավորի հրամանը եկեղեցական տուրքերի մասին կայծակի արագությամբ տարածվում է երկրով մեկ ու դժգոհության մեծ ալիք առաջացնում հոգևոր դասի բոլոր շերտերում: Զորյանին հաջողվել է շոշափելիության չափ կենդանի ներկայացնել անաշխատ կյանքից ղրկվելու հեռանկարից սարսափահար հոգևորականության զայրույթն ու դիմադիր ոգին: Այս տեսակետից առանձնապես կենդանի է ստացվել Վաղարշապատի մայր տաճարի բակի պատկերը «Պապ Թագավորի» մեջ:

Տաճարի բակն է հավաքվել վանականների ու մենակյացների հուզված ու խուճապահար բազմությունը: Ամեն մեկը, իհարկե, լավ հասկանում է Թագավորի հրամանի իմաստը, բայց բոլորն էլ աշխատում են իրական հող չունեցող այլևայլ չափազանցված մեկնաբանություններով ծանրացնել հանդուգն Թագավորի «աստվածընդդեմ հանցանքը»: Եպիսկոպոսներից մեկը նույնիսկ չի քաշվում Թագավորին բացեիբաց «տհաս» անվանել, «տհաս», վասնզի նա, արձակելով այդ հրամանը, չի մտածում, որ դեմ է գնում Տրդատ Մեծի օրենքին, որ հողեր, կալվածներ է շնորհել եկեղեցուն, տուրքեր է սահմանել նորա համար յուրյես գոյության աղբյուր» (342), «Պապը նոր մի Հուլիանոս է. նա ցանկանում է երևի քրիստոնեության փոխարեն հեթանոսություն... հեթանոսություն պիղծ ու զազիր...» (342) և այլն, և այլն¹⁰: Պապի նոր ձեռնարկումներից դժգոհ հոգեվոր դասի վերնախավի մարդիկ նույնիսկ ուղղակի դաշինքի են գնում բյուզանդական կայսրության հետ՝ ընդդեմ Արշակունի «բնիկ տիրոջ»: Այս տեսակետից շատ հետաքրքրական են խաղ սրբազանի ու Կյուրեղ եպիսկոպոսի և կայսեր պաշտոնյա Տերենտի փոխհարաբերությունների ճշմարտապատում նկարագրությունները, մասնավորապես՝ խաղի ու Կյուրեղի գիշերային գաղտնի այցելությունները Տերենտին՝ հարկերի մասին Պապի հրամանի ու նոր կաթողիկոսի ընտրության առթիվ: Բնորոշ է, որ, ինչպես ընդգծում է վիպասանը, հայ բարձրաստիճան վեղարավորները դիմում են նույնիսկ դիվանագիտական կեղտոտ խաղերի՝ կայսեր ու մետրոպոլիտի զայրույթը Պապի դեմ բորբոքելու նպատակով, Պապի քայլերը ներկայացնելով իբրև առհասարակ քրիստոնեության ու Բյուզանդիայի դեմ ուղղված ձեռնարկումներ:

Վիպական այս դրվագների հիմքում չի ընկած մատենագրական որևէ կոնկրետ փաստ: Գրողը դրանք հորինել է ստեղծագործական երևակայությամբ: Այդ դրվագները պատմականորեն միանգամայն հավանական ու տիպական են թվում դարի իրադարձությունների ընդհանուր ֆոնի վրա:

Համապատասխան պատմական եղելությունների, տիպական հանգամանքների գեղարվեստական ճշմարտացի արտացոլման առումով Զորյանը որոշակի նվաճումների է հասել մասնավորապես «Պապ Թագավորում»: Ճշմար-

¹⁰ Հետադոտողներից ոմանք, լավ տեղյակ չլինելով հայ իրականության պատմական փաստերին, երբեմն անհիմն ու շփոթ մտքեր են զարգացրել: Այսպես, օրինակ, Բ. Բրայնինան և Ս. Խիտարովան այն կարծիքն են հայտնել, թե իբր Պապը իր ռեֆորմներով «թուլատրեց դավանանքի ու սովորությունների ազատություն» (տե՛ս Б Брайнина, С. Хитарова, Стефан Зорьян, М., 1960, էջ 209): Երևում է, հեղինակներն այստեղ անվերապահորեն ընդունել են հայ կղերական պատմագրության խիստ կողմնակալ հայսնի դրույթները կամ Պապին շփոթում են նոր ժամանակների ազատախոհ գործիչների հետ:

տապատում է հնչում, օրինակ, Հայաստան նոր ոտք դրած երիտասարդ թագավորի տրտունջը. «... Եվ այս է զարմանալի, Երեմիա... Նախարարների շափ, զուցե ավելի, զարմանալի են մեր հոգևոր հայրերը, եկեղեցու սպասավորները: Ճանապարհին, հիշո՞ւմ ես, որ շենը գրավում էին՝ եկեղեցուն էր. հողը եկեղեցունն էր, և թե ո՞րն էր պետությունը՝ շիմացա... Իսկ վարդապետները... նկատե՞լ ես, այնպես են պահում իրենց՝ թվում է թե նոթա են տերերը երկրի... հրամայում են ոչ միայն քահանաներին, այլև շինականներին, անգամ նախարարներին... Եվ երբ մի անգամ զարմացա հույժ՝ Ներսեսն ինձ հանգստացրեց. «Այդպես ավելի դուրանում է քո գործը, զավակս»... Եվ ով է տվել նրանց այդքան իրավունք: Այնքան չեն զբաղվում եկեղեցով ու աղոթքով, որքան միջամրտում են պետության գործերին...» (110—111): Պերճախոս են, մանավանդ, «Պապ թագավորի» այնպիսի գրվազներ, ինչպես, ասենք, Փավստոսի «Պատմության» հայտնի հատվածի հիման վրա կերտված այն պատկերը, որում նկարագրվում է, թե ինչպես ոտնահարելով ամեն մի սրբություն, վարդապետը հենց ճանապարհի վրա երեց է ձեռնադրում մի պատահական անցորդի՝ նրա ձեռքից երկվարը խլելու նպատակով: Պապը Ներսեսի ձեռնարկությունների նըպատակը ճիշտ է նշմարում, կարծելով, որ բոլոր միջոցներն ուղղված են «իբր իշխանությունն ամրապնդելու»՝ ի հաշիվ աշխարհիկ իշխանության թուլացման (իրերի վիճակը անձամբ ուսումնասիրելուց հետո է նա գալիս այդ համոզման): Թագավորը նեղվում է դրանից: Իր այս դժգոհությունը Պապ թագավորը հայտնում է նաև Ներսես կաթողիկոսին, երբ վերջինս հարկերի մասին նրա արձակած հրամանի առթիվ այցելում է Պապին: Հենց այդ հանդիպման նկարագրության մեջ վիպասանն ըստ էության շոշափում է հայ աշխարհիկ ու հոգևոր իշխանությունների ներհակությունների հիմնական հարցերը:

Երկրի աշխարհիկ ու հոգևոր իշխանությունների ներհակությունների իրական զրգապատճառների, ինչպես և նրանց միջև առկա գերիշխանական պայքարի բուն էությունն մասին բավական կենդանի պատկերացում են տալիս «Պապ թագավորի» վերջում ղետնդված որոշ գրվազներ, որոնց մեջ նկարագրվում է, թե ինչպես տարբեր առիթներով Պապ թագավորը եկեղեցուց խլում է աշխարհիկ կյանքը, մարդկանց՝ սովորական փոխհարաբերությունները կարգավորող լծակները, որոնք առաջներում իր ձեռքն էր առել եկեղեցին՝ օգտվելով թագավորական իշխանության տկարությունից: Պապ թագավորի՝ հոգևորականության գործերին խառնվելու ամենահամարձակ քայլերից մեկն էլ Ներսեսի մահից հետո նոր կաթողիկոսի ընտրության ու օծման փաստն է: Այստեղ վիպասանը, բնական հայեցակետով մերձենալով մատենագրական տվյալների զնահատությունը, կարողացել է դրանք վարպետորեն օգտագործել Պապի հասարակական-քաղաքական ընթացքի մի կարևոր կողմի արտացոլման, նրան իբրև ժամանակի պատմական առաջավոր միտումները կրող նշանավոր գործչի բնութագրելու համար: Պատմական փաստի զեղարվեստական նոր ու ճշմարտացի իմաստավորումով Զորյանն, ըստ էության, մարմնավորել է ազգային կողմնորոշման քաղաքականության հաղթանակը պատկերվող դարաշրջանում:

Վիպասանը պատշաճ տեղ է հատկացրել նաև ներհակ կողմերի գործող անձանց որոշակի ընթացքի անձնական-հոգեբանական շարժառիթներին (օր., խափի կաթողիկոս զառնալու ձգտումը, հասունացած Պապի նեղվելը Ներսեսի հորդորիչ-խնամակալի գերից և այլն):

Սակայն Զորյանի պատմական վեպերում երկրի աշխարհիկ ու հոգևոր իշխանությունների հակամարտության պատկերը մի շարք կարևոր կետերում, այնուամենայնիվ, չունի անհրաժեշտ խորություն: Այդ հանգամանքը մի զգալի չափով կապված է երկրի հոգևոր առաջնորդի հասարակական վարքագծի և առհասարակ նրա ընդհանուր բնութագրի որոշ կարևոր հանգամանքների միակողմանի մեկնարանության հետ:

Ներսեսի կերպարի մի քանի կողմերի գեղարվեստական ճշմարտացի բացահայտման բնագավառում Զորյանն, անշուշտ, որոշ գրական արդյունքների հասել է: Այսպես, օրինակ, հակառակ մի կարգ պատմաբանների անհիմն պրն-դումների, վիպասանը այն ճիշտ թեզն է պաշտպանում, որ IV դարի երկրորդ կեսին հայ եկեղեցին ու հոգևոր բարձրագույն իշխանությունը, հանձին Ներսես կաթողիկոսի, իրենց գործունեությամբ հանդես չեն եկել Արշակունի թագավորների (Արշակ և Պապ) պետական կենտրոնաձիգ քաղաքականության սատարողի դերով:

Այս առումով հետաքրքրական է, օրինակ, «Հայոց բերդի» մի հատվածը: Ըստ գրողի մեկնաբանության, Արշակավանի պատմության առիթով թագավորի ու նախարարների լարված փոխհարաբերությունների պահերին թեև երկրի հոգևոր առաջնորդը հավանություն չի տալիս նախարարների՝ իրենց «բնիկ տիրոջ» դեմ ապստամբելու մտքին, բայց մյուս կողմից էլ, երբ փաստ է դառնում նախարարների ապստամբությունը, և բորբոքվում է կոփվր երկու կողմերի միջև, Ներսեսը ստիպված ընդառաջ է գնում թագուհու խնդրանքին և հանձն առնում միջնորդի դերը՝ նախ և առաջ մտահոգվելով նախարարներին փրկելու հոգսով:

Ներսեսը ոչ միայն չի պաշտպանում Արշակավանի՝ թագավորական իշխանության այդ ամուր հենարանի կառուցումը, այլև վնասակար գործ է համարում այն: Նրա կարծիքով, դա «մի ձեռնարկ է, որ կարող է վնասել ոչ միայն նախարարներին, այլև եկեղեցուն, մասնավոր՝ եկեղեցուն. զրկվելով շինականներից՝ կպակասեն եկեղեցու հասույթները, և նա կղրկվի հեղինակությունից... կարող է լինել ավելին. Արշակը զորանալով՝ կսկսի հոխորտալ...» (279): Ահա թե ինչու «Այժմ Ներսեսը գոհ էր, որ նախարարները դժգոհ են Արշակից» (281):

Վիպասանը ճշմարտացի դիտարկումներ ունի նաև Ներսեսի բյուզանդական կողմնորոշման մասին: Նա, իհարկե, կողմ չէ Հայաստանի ինքնուրույնության ոչնչացման, բայց խորապես համոզված է, որ հայոց աշխարհի գոյության միակ երաշխիքը բյուզանդական քրիստոնյա կայսրության բարեկամությունն է, անհրաժեշտության դեպքում՝ նույնիսկ նրա գերիշխանությունը:

Կարևոր է նշել նաև այն, որ օգտվելով պատմական գիտության նվաճումներից, Զորյանը գեղարվեստական համոզիչ պատճառաբանությամբ հերքում է հայ կղերական պատմագրության հայտնի վարկածը Պապի ձեռքով Ներսեսի թունավորման մասին՝ այն վերագրելով Պապից դժգոհ կղերի բամբասանքներին:

Անվիճելի է, սակայն, որ Ներսեսի կերպարի բնութագրության մեջ, մասնավորապես հայոց հայրապետի հասարակական վարքի արտացոլման մի շարք կարևոր հարցերում, Զորյանը, ըստ էության, որդեգրել է ավանդական պատմադրության հայեցակետը:

Ոչ «Հայոց բերդում» և ոչ էլ «Պապ թագավորի» մեջ Ներսեսը հանդես չի գալիս իբրև ուժեղ ու հզոր անհատականություն, որպիսին նա եղել է իրական-

նում: «Հայոց բերդի» մեջ Ներսեսն ընթերցողին ներկայանում է գերազանցապես թագավորի ու նախարարների միջև միջնորդի ու հաշտարար դատավորի (երբեմն՝ ակամա) դերով, իսկ «Պապ թագավորի» մեջ նրան տեսնում ենք մեկ՝ երիտասարդ թագավորի դեմ հոգևոր դասի գայրույթը զսպողի, մեկ՝ նրան խրատողի, «ուղիղ ճանապարհի» բերող «ծերունի մարգարեի» դերում: Ներսեսն արհեստականորեն կտրվել է իր բուն քաղաքական գործունեության ոլորտներից, որով և սահմանափակվել են կերպարի ամբողջական բնութագրության հընարավորությունները: Ներսեսը մի տեսակ ներքին վախով է համակվում Արշակի հետ խոսելիս և, ինչպես հարկն է, իրեն չի էլ կարողանում պահել նրա ներկայությանը. մերթ՝ «շփոթվում» է իրերի մասին Արշակի քաջատեղյակությունից, մերթ՝ «անակնկալի» գալիս նրա անսպասելի հարցերից, մերթ՝ «հարմար վայրկյանի սպասում իր առաքելության մասին խոսելու», մերթ էլ՝ զարմանալի մեղմությամբ պատասխանում թագավորի կծու հեղանքին, անզամ վիրավորանքին, և սուղ՝ «մտածում տհաճությամբ»: Թե՛ «վերստին վիրավորանք... երբեք շունի հարգանք դեպի հայրը հոգևոր» (286—89):

Նույն մոտեցումով ու մտայնությամբ են գրված նաև «Պապ թագավորի» մի շարք հատվածները:

Լուրջ տարակուսանքներ են հարուցում Ներսեսին վերաբերող որոշ հանդամանքներին հեղինակի տված մեկնաբանությունները: Հնարավոր է կարծել, օրինակ, թե խորաթափանց ու հեռատես Ներսեսը իրականում ժամանակին չի կռահել Արշակավանի կառուցման բուն նպատակը, և այն վերագրել է լուկ Արշակունի թագավորի փառասիրությանը:

Պարզ է, որ նման մեկնաբանությունները, որոնք չեն բխում փաստերի բուն էությունից, ի վիճակի չեն բացահայտելու ճշմարտությունը պատմական մեծ իրողությունների մասին:

* * *

Անցյալի գեղարվեստական պատկերման մեջ նշանակալից նվաճումների հասած դասական պատմավիպագրությունը շոշափելի արդյունքներ ձեռք չբերեց պատմության մեջ ժողովրդի ունեցած դերի, դասակարգային ներհակությունների, ժողովրդի կյանքի ու կենցաղի գեղարվեստական արտացոլման բընագավառում: ԲաՖֆին, հայ դասական պատմավիպագրության խոշորագույն դեմքը, իր ժամանակ ուշագրավ դիտողություններ է արել պատմական վեպում ժողովրդի առօրյա կյանքի ու կենցաղի, նրա ասլրելակերպի, նիստուկացի, սովորությունների, տերերի հետ նրա փոխհարաբերությունների ու հարակից խընդիրների արտացոլման անհրաժեշտության վերաբերյալ, որոնք իրենց հետաքրքրությունը չեն կորցրել նաև մեր օրերում:

«Մեր պատմության մեջ գրեթե բոլորովին մոռացված է ամբոխը,— գրում է նա:— Մեր պատմագիրները չեն նկատել, որ բացի թագավորներից և իշխաններից, բացի հոգևորականներից և զինվորներից, Հայաստանում կար և ժողովուրդ, որ ապրում էր, որ յուր կյանքն ուներ, որ յուր տոները, հանդեսները և ցնծություններն ուներ, և որի հոգեկան և բարոյական հակումներն արտահայտվում էին այս և այն հասարակական երևույթների մեջ:— Մեր պատմության մեջ ժողովուրդ չկա, կան միայն տիրապետողներ: Մենք չգիտենք, ինչպես էր ապրում հայոց շինականը, ինչ տեսակ հարաբերությունների մեջ էր յուր տերերի հետ, կամ ինչ էր ուտում և ինչ էր հագնում և ինչ տեսակ զվարճություններ

ուներ: Մենք չգիտենք, թե ինչ էր շինում հայոց արհեստավորը, որ երկրների հետ առևտուր ուներ հայոց վաճառականը, կամ ինչ տեսակ անասուններ էր սնուցանում հայոց խաշնարածը: Մեր պատմությունը լուռ է այդ բոլորի մասին: Բայց վեպի համար դրանք կարևոր են... Եվ այդպես, մեր պատմությունը, իբր չոր ու ցամաք տարեգրություն, խիստ նվազ նյութ է տալիս մի վիպասանի, որով կարող լինեի նա նկարել անցյալի ճիշտ պատկերը յուր բոլոր երևույթներով»¹¹: Բայց, չնայած դրան, ժողովուրդն իր առօրյա կյանքով ու կենցաղով, իր հոգսերով ու տառապանքով տեղ չգտավ նաև Բաֆֆու պատմավեպերում, այդ թրվում և «Սամղելի» մեջ, որի առաջաբանից էլ հենց վերցված է վերը բերված քաղվածքը:

Ինչպես պատմական իրականության այլ կողմերի, այնպես էլ ժողովրդի իրական կերպարի գեղարվեստական արտացոլումը տեսնում ենք արդեն սովետահայ պատմավեպի հիմնադիրների՝ Դերենիկ Դեմիրճյանի ու Ստեփան Զորյանի ստեղծագործություններում:

Ստեփան Զորյանի եռապատումի առաջին երկու վեպերում («Պապ թագավոր» և «Հայոց բերդը») այս տեսակետից առանձնապես ուշագրավ են մի քանի ռազմի դրվագներ ու մասսայական տեսարաններ: Այսպիսիք են, օրինակ, Զիրավի ու Նախշվանի ճակատամարտերը, հաղթանակի խրախճանքը Դվինում («Պապ թագավոր»), Արշակավանի պաշտպանությունը, Շահապիվանի նավասարդի տոնախմբությունը («Հայոց բերդը»), ուր վիպասանին հաջողվել է տիպական հանգամանքների մեջ պատկերել ժողովրդի հայրենասիրական կովի թափը, նրա ազատատենչ ոգու փայլուն դրսևորումները, առօրյա խնդությունները, ծեսերն ու սովորությունները: Վերջիններիս ճշմարտացի ու գունեղ պատկերները կենդանություն են հաղորդում վիպական հյուսվածքին:

Զորյանի պատմավիպագրական արվեստի էական նվաճումը պիտի համարել, անշուշտ, դարաշրջանի բնորոշ սոցիալական ներհակությունների գեղարվեստական արտացոլումը, որով մի նոր կողմից են բացահայտվում հեռավոր դարերի պատմական իրականության յուրահատկությունները, առավել խոր ու ամբողջական է դառնում դարաշրջանի հասարակական կյանքի պատկերը:

Նկատի պետք է ունենալ, որ այդ երևույթների գեղարվեստական արտացոլման համար վիպասանն իր ձեռքի տակ ունեցել է միայն կցկտուր տվյալներ: Նա շատ իրողություններ պիտի տեսներ պատմիչների վկայությունների տողերի արանքում, շատ բան պիտի կռահեր պատմության տրամաբանության հիման վրա, երևակայության ուժով պիտի ստեղծեր համապատասխան վիպական հանգամանքներ, որոնք հնչեին նույնքան բնական ու տիպական, ինչպես բուն պատմական, հավաստի իրողությունները:

Վերհիշենք, թե, օրինակ, Արշակավանի առթիվ ինչ են հաղորդում պատմական հիշատակարանները: Փավստոսը Արշակավանի շինության առթիվ գրում է.

«...(Արշակը) ետ հրաման ընդ ամենայն գաւառս իշխանութեան իւրոյ, և հրամայեաց կարգել քարոզ ընդ ամենայն տեղիս աշխարհացն հրապարակին իւրոյ. և ամենայն կողմանս գաւառաց իւրոց լի առնէր հրամանաւն արքունի, զի եթէ ոք ումեք ինչ պարտիցի, եթէ ոք ուրուք ուտեք ինչ վնասեալ իցէ, կամ ոք ումեք ինչ դատ պարտիցի, ամենեքեան եկեսցեն ի դաստակերտն շինեսցին»:

¹¹ Բ ա ֆ ֆ ի, Երկերի ժողովածու, հատ. 7, էջ 5—6:

Եթէ արինաճան ոք իցէ, կամ վնաս ուրուք ումեք արարեալ իցէ, կամ ղկին ուրուք տարեալ իցէ, կամ պարտապան իցէ, կամ ոք ղուրուք կարասի ունիցի, կամ ոք յումեքէ երկիւղած ինչ իցէ, և եկեսցէ յայն տեղի, դատ և իրաւունք մի լիցին: Իսկ եթէ ոք ումեք ինչ պարտիցի և որում պարտիցին, եկեալ յայն տեղին՝ առանց դատի և իրաւանց կալցին, և ի դուրս տարցեն:

Իբրև ել հրաման յարքայէն, ժողովեցան այնուհետև յայն տեղի ամենայն զոդք և աւաղակք, արինաճանք, սպանողք, սուտք և մարդելոյդք, վնասակարք, գանձահատք, զրկողք, ստաղատք, զրախօսք, գերփողք, յափշտակողք, ժլատք: Բազում վնասս առնէին, և անդր անկանէին. բազում կանայք զարսթողուին, և անդր անկանէին. բազում արք ղիւրեանց կանալս թողուին, և ղայլոց կանայս առեալ՝ անդր անկանէին. բազում ծառայք ղիւրեանց տեւանց զգանձս ըմբռնեալ, փախուցեալք աւեր անկանէին. բազում աւանդառուք ղաւանդս լի դպար՝ հաստս բարձեալ, անդ անկանէին. ղերփէին աւերէին ղերկիւն ամենայն: Զի թէ՛ պէտ և կարի յոյժ բազմացաւ աղաղակն, դատ չկայր, և իրաւունք ումեք յարտաքունուստ ոչ ելանէին: Վասն այսորիկ ամենայն մարդ հառաչելով վայէին և աւսէին ի հաւանել բանիցն իւրեանց. այս բանք ըստ այս օրինակի պաշտէին, առ հասարակ ամենեցուն ասելով՝ թե իրաւունք մեռան, և վասն այսորիկ ոչ դատանէին. այլ թէ էր, և կորուսեալ էին, ուր և էր ջանայար խնդրէաք դատանէաք»¹²:

Բյուզանդի այս կարեւոր տեղեկությունը յուրովի հաստատում է Մովսես Խորենացին՝ գրելով. «...Ետ հրաման (Արշակը), որ ոք անկեալ անդր «Արշակաւան» բնակեցէ՝ մի լիցի ի վերայ նորա իրաւունք դատաստանի: Եւ նոյն ժամայն ծովացեալ լցաւ մարդկութեամբ հովիտն ամենայն. քանդի աւանդաւորք և պարտականք, և ծառայք և վնասակարք, և զոդք և սպանողք, և կնահանք և այլք այսպիսիք փախուցեալք անդր անկանէին և ոչ կայր նոցա այց և խրնւիր»¹³:

Փալատոսի ու Խորենացու վերոհիշյալ ականարկներից կարելի է մակարերել, որ եղել են ղեպքեր, երբ շինականներն ու ռամիկները դուրս են եկել իրենց տերերի հպատակությունից, զործել են անկախ ու ինքնազուլիս, հանդգնել են հակաճառել տերերին, հարկ եղած ղեպքում՝ ղենքը ձեռքին վրեժ լուծել նրանցից կեղեքումի ու շահագործման համար:

Հետադոտողների կարծիքով, որոշակի սոցիալական բովանդակություն են ունեցել նաև այն դարերում Հայաստանում բաւականին լայն տարածում ստացած աղանդավորական շարժումները (մծղնականներ, բորբորիտներ և այլն), որոնց մասին, տարաբախտաբար, քիչ տվյալներ են հասել մեզ:

Ահա այն ամենը, ինչ իր ձեռքի տակ ունեցել է Զորյանը: Գրողի վարպետությունն էլ հենց այն է, որ այս կցկտուր պատմական տվյալների հիման վրա կարողացել է ղեղարվեստական շոշափելի ընդհանրացումների հասնել իրականության սոցիալ-դասակարգային ներհակությունների ճշմարտացի արտացոլման բնագավառում:

Առաջնորդվելով պատմականության սկզբունքով, վիպասանը «Պապ թաւալորի» մեջ այդ ներհակություններին անդրադառնում է երկրի աշխարհիկ ու հոգեւոր տերերի բարդ փոխհարաբերությունների առնչությամբ, մինչդեռ «Հայոց բերդում» շեշտը ղերաղանցապես ղրվում է տարբեր դասակարգերի սոցիալ-

¹² Փ ա վ ս տ ո ս, էջ 165—166 (ընդգծումը իմն է.—Վ. Ն.):

¹³ Խ ո Ր Ե Ն Ա Յ Ի, էջ 288:

լական հակամարտությունների ու կենտրոնացած պետականության համար չղված պայքարի բնական հանգույցների ու իրական կապերի վրա:

«Պապ թագավորի» առաջին հրատարակության մեջ (1944 թ.), նկատելի չափով տուրք տալով Պապին «դեմոկրատացնելու», նրան «ժողովրդական թագավոր» ներկայացնելու մտայնությանը, հեղինակը որոշ ծայրահեղությունների մեջ ընկավ և ճշմարտացի ու պատմականորեն համոզիչ մեկնաբանություն չըտվեց դարաշրջանի սոցիալական հակամարտությունների էական հանգամանքներին: Լենհրաժեշտ խորությամբ չթափանցելով երևույթների էության մեջ, վիպասանը Պապի հրամանը եկեղեցական տուրքերի մասին ջանում էր մեկնաբանել թագավորի «ժողովրդասիրության» հայեցակետով՝ հաշվի չառնելով այդ քայլի պատմական բուն դրդապատճառները: Սա չէր կարող չխանգարել վիպասանին պատմական ճշմարտությունն իր ողջ բարդության մեջ ռեալիստական արվեստի ուժով վերականգնելուն: Վեպի երկրորդ և հաջորդ հրատարակությունների ժամանակ Զորյանը մի շարք կարևոր կետերում ուղղեց թույլ տրված սխալը, պատմական երևույթները ներկայացնելով հիմնականում հաջողված ու համոզիչ գեղարվեստական պատճառաբանությամբ:

«Պապ թագավորի» մեջ ընդգծելով այն իրողությունը, որ իր հարկային ռեֆորմով Պապը ձգտում էր հոգևոր դասի տնտեսական հզորության թուլացման հաշվին հարստացնել արքունի գանձարանը, որ նրան այնքան պետք էր պետական մեծ նպատակների, հատկապես՝ ազատագրական պայքարը հաջողությամբ գլուխ բերելու համար, վիպասանը միաժամանակ իրավացիորեն շեշտում էր Պապի և հոգևոր իշխանության հակամարտությունների գերիշխանական միտումները: Թագավորը հոգևոր դասի տնտեսական տկարացման մեջ տեսնում էր հասարակական կյանքում նրա դերի ու ազդեցության թուլացման երաշխիքը, որը և համարում էր գահի միահեծանության ամրապնդման վստահելի ուղիներից մեկը:

Ռեալիստ արվեստագետը մի քանի գծերով ավելի ևս ամրապնդում է պատմական իրողությունների ճշմարտացի մեկնաբանությունը: Ասես ինքն իր հետ բանավիճելով, Զորյանն, օրինակ, հատուկ շեշտում է եկեղեցական տուրքերը վերացնող թագավորի ու շինականության սոցիալական շահերի անհամապատասխանությունը, արտահայտիչ պատկերներով ընդգծելով նրանց միջև գոյություն ունեցող վիհի անկամրջելիությունը:

Ժողովրդի մեջ ծպտյալ շրջող Պապը «մի տեղ օրինակ, վանքապատկան շինականներից դժգոհություն լսելով վանքի դեմ, հարցրեց, թե ինչու չեն դիմում նոր թագավորին, որ իրենց օգնի:

— Է՛, տեր սեպուհ,— պատասխանեց ծեր մի շինական,— թագավորն ի՞նչ կարող է անել. նա դեռ տղա է անփորձ:

— Սակայն դեռ չդիմած՝ ինչպես իմացար չի կարող,— շարունակեց Պապն ավելի հետաքրքրված:

— Միևնույն է, տեր սեպուհ,— գլուխն օրորեց նույն ծերունին,— ոչ մի թագավոր մեզ դեռ չի օգնած: Սա նմանապես...» (281):

Երբ մեզ հետաքրքրող տեսակետից համեմատում ենք Ստ. Զորյանի եռյուրյան առաջին երկու վեպերը, ապա միանգամայն որոշակի նկատելի է դառնում վիպասանի ստեղծագործական էվոլյուցիան, պատմական երևույթների ընկալման ու մեկնաբանության սկզբունքների հետագա խորացումն ու կատարելագործումը: Եթե «Պապ թագավորի» մեջ ժողովուրդը հանդես է բեր-

վում գերազանցապես իբրև ճակատող զորք, դանազան մասսայական տեսարանների ակտիվ կամ պասսիվ մասնակից ամբոխ և կամ թե եկեղեցական հարկահանություններից կեղեքվող մասսա, ապա «Հայոց բերդում», ավելի ևս լայնացնելով ժողովրդի հավաքական կերպարի ցուցադրման շրջանակները, վիպասանը շեշտն իրավացիորեն դնում է նրա պատմական բնութագրության այլ տիպական կողմերի վրա, ընդգծելով հատկապես սոցիալական ակտիվ բողոքի ուժը, տարերային ընդլզումներն իրենց տերերի դեմ, ժողովրդին ներկայացնելով իբրև իր ուժն ու ինքնությունը գիտակցող, իր սոցիալական շահերը գինու զոլությամբ պաշտպանելու պատրաստ մի պատկառելի ուժ:

Այդ նպատակով նա օգտագործել է Արշակաւանի շինության ու կործանման պատմությունը, որի մեջ իրականում խաչավորվել են ժամանակաշրջանի գրեթե բոլոր էական հակասությունները: Արշակ Բ-ն, մեծ հետևողականությամբ հետամուտ լինելով գլուխ բերելու կենտրոնացված պետության դժվարին գործը, գահի միահեծանությունն ամրապնդելու համար ձգտում էր օգտագործել բոլոր հնարավոր միջոցները՝ երբեմն նույնիսկ չխուսափելով ծայրահեղ քայլերից ու մեծ համարձակության դիմելուց: Արշակը, մասնավորապես, շատ կարևոր էր համարում գահի իշխանության հզորացումը՝ հատկապես ի հաշիվ նախարարների ֆեոդալական ուժի թուլացման, մի հանգամանք, որ այնքան բացահայտ արտահայտվեց Արշակ թագավորի հայտնի հրովարտակի կապակցությամբ, որով նա նախարարական շենքերից դեպի նորակառույց ավանն էր գալթակղում գլխավոր աշխատուժը՝ շինականներին: Պատմագեղարվեստական առումով ճիշտ է վարվել վիպասանը, որ հիմնականում հենց այս հրամանի շուրջ էլ հյուսել է վիպական կոնֆլիկտը:

Դարաշրջանի սոցիալական հակամարտությունների հանգամանքների նկարագրության մեջ վիպասանը հավատարիմ է մնացել պատմականության սկզբունքին: Նա արտահայտիչ պատկերներով ցույց է տվել, որ իրենց նախարար տերերից փախած ու Արշակաւան հավաքված ժողովուրդը չի փրկվում կյանքի դառնություններից, այստեղ էլ իրականություն չեն դառնում նրա երազանքները, բարեկեցիկ կյանքի նրա տենչերը: Եվ իսկապես, ծանր պայմաններում մարդիկ կառուցում են քաղաքը՝ շարունակ սպասելով, թե երբ շահալու վարազ բնունին կկատարի իր խոստումն ու իրենց կբաժանի «արքայական պարգևը»: Սակայն, այնուամենայնիվ, քաղաքում հավաքված ժողովուրդը, վայելելով արքայի հրովարտակով խոստացված որոշ արտոնությունները, մի տեսակ, ասես ձեռք է բերել «հարաբերական ազատություն», և այդ էլ շատ թանկ է նրա համար ու նա մտադիր չէ հեշտությամբ զիջել ոչ ոքի: Քաղաքն արդեն տասր հազարի չափ բնակիչ ունի, պատմում է հեղինակը, և «մյուս կողմից, չնայած տերերի արգելքներին, շարունակում էին գալ. և գալիս էին գրեթե տմեն օր» (333): Արշակաւանի կառուցման աշխատանքից ու կյանքի ծանր պայմաններից ավելի ժողովրդին սարսափեցնում է վերստին նախարարների ձեռքն ընկնելու մոայլ հեռանկարը:

Քաղաքի բնակչությունը տեղիկանալով, որ նախարարները պահանջում են իտ վերադարձնել «իրենց ծառաներին», սպառնում, որ եթե նրանք «չդան իրենց կամքով, կտանեն ուժով», ալեկոծվում է ու լցվում կուլելու վճռականությամբ, որ այնպես լավ ցույց է տրվում վկայում: Ճակատամարտից առաջ, երբ «տիրափախ» շինականների մեջ կասկած է առաջանում, թե վարազ իշխանը կարող է երկնչիլ հարձակվող զորքի բաղմությունից ու իրենց հանձնիլ

տերերին, տագնապահար ու ցասումով լի դեպի նրա տունն են շտապում: Այստեղ հեղինակը գեղարվեստորեն համոզում է, որ ժողովրդի ինքնապաշտպանության վճռականությունն այնքան է մեծ, որ ազդում է նույնիսկ քաղաքի շփոթված տերերի վրա, նրանց ևս ուժ ու կորով ներշնչում: Գնունի իշխանը, տեսնելով ժողովրդի ցասումն ու պաշտպանվելու անհաղթահարելի կամքը՝ անմիջապես հրամայում է քաղաքացիներին զենքեր բաժանել, հաստատ հավատացած, որ «նոքա կկռվեն կատաղի, վասնզի այստեղ ապաստանել են ոչ նրա համար, որ դյուրությամբ անձնատուր լինեն իրենց նախկին տերերին: Ոչ, նոքա անձնատուր չեն լինի: Երբեք...» (343): Խորապես ճշմարտացի, իրական ու հուզիչ են վեպի այն էջերը, ուր Զորյանը նկարագրում է ժողովրդի խիզախ ու անձնուրաց կռիվը նախարարական զորքի գերակշիռ ուժերի դեմ:

Վիպասանը հոգեբանական նուրբ դիտումով նկատում է, որ ժողովրդի միասնությունը միանգամից ու անմիջապես չի ստեղծվում, որ նրա տարբեր խմբերի՝ արքունի ոստանից եկածների ու «տիրափախների» միջև կան տարաձայնություններ, կան և տատանվողներ:

Արշակավանի պաշտպանության կռվի նկարագրությունը իր կենդանի ու արտահայտիչ պատկերներով, էպիկական մեծ շնչով վեպի լավագույն հատվածներից է, հեղինակի վիպելու արվեստի աչքի ընկնող նվաճումներից: Այդ նկարագրությունների մեջ ընթերցողի առջև անցյալը հառնում է իբրև կենդանի իրականություն՝ իր տիպական հանգամանքներով, մարդկային անհատականությունների դրսևորման բնորոշ գծերով: Ճշմարտապատում ու խոսուն են նաև վեպի այն հատվածները, որոնց մեջ պատմվում է, թե ինչպես Կոզովիտի գյուղերի շինականները աշխատում են բանականների ավերումից փրկել հասուն, հնձելու սպասող արտերը:

Իրական գծերով է ներկայացված նաև Թիր ու Արանց գյուղերի շինականների խնդրանքը, որոնք սենեկապետի միջոցով նախ դիմում են թագավորին, խնդրում, որ նա այլ տեղ տեղափոխի կռիվը, քանզի տրորվում, փշանում են իրենց արտերը. թագավորը մերժում է: Շինականները դիմում են Ներսեսին, հույս ունենալով, որ հայրապետը կկարողանա ազդել թագավորի վրա:

Հապա ինչպիսի հույզով է ներկայացնում վիպասանը զինվոր-շինականների համար ատելի պատերազմի ավարտումն ու վրա հասնող խաղաղությունը. «Զինվորի համար,—գրում է հեղինակը,—աշխարհում չկա երևի ավելի հաճելի և ավելի երջանիկ պահ, քան զինադադարի շեփորը. ինչպիսի հույզեր և երազներ են զարթնում նրանց հոգում...»:

Թվում է, հենց այս ուղղությամբ էլ պիտի ընթանա սովետահայ պատմավեպի հետագա զարգացումը, որի կայուն երաշխիքները տվել են այդ պատմավեպի դասական հիմնադիրները՝ Դերենիկ Դեմիրճյանն ու Ստեփան Զորյանը:

АРМЕНИЯ IV ВЕКА
И ИСТОРИЧЕСКИЕ РОМАНЫ СТ. ЗОРЬЯНА

В. С. НАЛБАНДЯН

(Резюме)

В статье кратко охарактеризованы наиболее существенные стороны армянской действительности IV в. и особенности ее художественного отражения в исторической трилогии Стефана Зорьяна («Армянская крепость», «Царь Пап» и «Вараздат»). В частности, исследуется деятельность двух выдающихся представителей армянской государственности — царей династии Аршакидов Аршака II и его сына Папа, получившая в традиционной историографии одностороннее и тенденциозное освещение. Несмотря на некоторые противоречия деятельности этих исторических личностей, они тем не менее выступали как носители исторически прогрессивных тенденций. Их деятельность главным образом определялась борьбой за политическую самостоятельность Армении, за укрепление централизованной государственной власти.

В статье рассматриваются художественные достоинства романов Зорьяна, явившиеся результатом нового историко-критического прочтения известных фактов.